

HAFSLO IDRETTSLAG

6869 HAFSLO



SKIPA 1934

Anleggsplan

Hafslo IL

2019-2022



ANLEGGSOVERSIKT OG ANLEGGSPÅN

Hafslo IL har revidert anleggsplanen frå 2015. Føremålet med planen er å få ei samla oversikt over tilstanden til dei enkelte anlegga og å kunne prioritere mellom anlegg som skal meldast inn til ny kommunedelplan for idrett og fysisk aktivitet. Denne anleggsplanen legg dermed grunnlaget for prioriteringar av saker som skal meldast inn til oppstart av planprosess for ny kommunedelplan. Første delen av dette arbeidet startar opp med handsaming i Luster idrettsråd våren 2019, og frist for innspel til ny kommunedelplan for Luster kommune er 1.mai 2019.

Anlegga i denne planen er avgrensa til dei anlegga som Hafslo IL har eigarskap til, har langtidsleige på eller har eigarinteresser i. Sjølve anleggsplanen er delt i to. Den første delen er ein kort statusrapport over tilstanden til dei enkelte anlegga, vedlikehaldsbehovet til desse dei neste fire åra og kven som har ansvaret for dette. I denne planen er det ikkje gjort nokon rangering av vedlikehaldsbehova, men planen føreset at dette vert bestemt gjennom det ordinære styrearbeidet og etter kva ressursar som er tilgjengeleg i løpet av planperioden.

Del to er ei oversikt over nye anlegg og idrettslaget si prioritering av desse, samt kven som har ansvaret for vidare arbeid. I den komande planperioden 2019-2022, vil det for Hafslo IL vera høgast prioritet å bidra til å få realisert to anlegg for vinteridrett på Sogn Skisenter. Strategien for å nå dette målet er at Hafslo IL bidreg som delbidragsytar, men ikkje som anleggseigar for desse to anlegga. Det er to anlegg som det er særleg ønskje om vert prioritert gjennom Sogn Skisenter AS. Dette er ny rulleskiløype (stadion og rulleskiløype, med grunnarbeid, asfalt, snøproduksjonsanlegg og lyssetjing), og nytt hoppanlegg (nærmiljøanlegg K10+K19). Hafslo IL ønskjer at desse anlegga skal få så høg prioritet som mogeleg i den nye, reviderte kommunedelplanen for idrett og fysisk aktivitet. Årsmøtet i Hafslo IL har tidlegare gjennom eige vedtak vedteke å løyve 300 000 kr til langrennsanlegget og 200 000 kr til hoppanlegget under føresetnad av at IL Bjørn også bidreg og at prosjektet løyser spelemidlar.

Som neste prioriterte prosjekt ønskjer Hafslo IL ei oppgradering av anlegget i Moane med lysanlegg på Hafslo stadion, og som skal realiserast i løpet av komande planperiode.

Det er også kome innspel og ønskje om å realisere nye hoppbakkar i form av K45 og K65-70 på Sogn Skisenter på Heggmyrane, for å fullføre flytting av noverande anlegg i Kvam. Først når desse bakkane vert realisert, vil noverande hoppanlegg i Kvam verte fullt ut erstatta og Sogn Skisenter kan få status som regionanlegg for nordiske greiner.

Hafslo IL ønskjer å få hoppbakkane (K45 og K65-70) inn i anleggsplanen, men vurderer at det ikkje er grunnlag for å prioritere ei realisering av desse anlegga i komande planperiode (2019-2022). Grunngevinga for dette er at langrennsanlegget (grunnarbeid, asfaltering, snøproduksjon og lys), og K10+K19, vil krevje mykje av kapasiteten ved skisenteret i den komande planperioden. Vidare utbygging av hoppanlegget utover nærmiljøanlegget, vil konkurrere om både kapasitet og prioritering av andre anlegg som er under planlegging på skisenteret. For å realisere liten hoppbakke (K40-45), må truleg idrettslaget stå som byggherre i samarbeid med Sogn Skisenter. Mellomstor hoppbakke for gute- og jentehopparar (K65-70), er det heller ikkje avsett tilstrekkeleg areal for i gjeldande reguleringsplan. For å få tilgang til tilstrekkeleg areal for mellomstor hoppbakke (K65-70) er det behov for mindre utviding på LNF-område gjennom reguleringsendring. Ut i frå samla ressursbruk, uavklarte forhold kring det å stå som anleggseigar og uavklarte forhold kring tilgang til naudsynt areal, gjer at Hafslo IL ikkje går inn for ei høg prioritering av å få realisert hoppbakkar på K45 og K65-70 i løpet av den neste planperioden.

Når det gjeld utvikling av fotballanlegget i Moane, er det gjennom utgreiingsarbeidet konkludert med at den mest hensiktsmessige investeringa vil vera eit lysanlegg på grasbana i Moane, som kan realiserast innanfor spelemiddelordninga. Vi viser til utgreiinga og vurderingane nedanfor under punkt B nr. 5. Styret i Hafslo IL rår til at lysanlegg vert prioritert høgt i neste planperiode (2019-2022), og at årsmøtet gir støtte til finansiering gjennom eige vedtak på årsmøtet 7.februar 2019.

Det er også kome innspel og ønskje om kunstgrasbane i Moane, anten som kunstgrasdekke på grusbana eller kunstgrasdekke på Hafslø stadion. Desse alternativa er vurdert under punkt B nr. 3 og 4 nedanfor. Hafslø IL ønskjer å få kunstgrasbane 11`ar inn i anleggsplanen, men på grunnlag av vurderingane som er gjort i samband med revidering av anleggsplanen, har styret kome til at det ikkje er grunnlag for ei høg prioritering av eit slikt anlegg i løpet av komande planperiode.

Fotballgruppa har spelt inn ønskje om fleirbrukshall på Hafslø i samband med revidering av anleggsplanen. Eit slikt anlegg/prosjekt er vurdert under punkt B nr. 6 nedanfor. Styret ser at det er behov for ein fleirbrukshall på Hafslø, og at det bør arbeidast vidare med dette prosjektet i dialog med kommunen og gjennom politisk arbeid. Hafslø IL ønskjer derfor at anlegget vert teke inn i anleggsplanen, men at det ikkje er grunnlag for å prioritere dette høgt i den komande planperioden. Bakgrunnen for dette er at det ikkje er realistisk å få ein fleirbrukshall på plass i løpet av dei neste fire åra, men det er likevel viktig at idrettslaget arbeidar vidare med dette prosjektet i dialog med kommunen og politikarane i Luster kommune.

Prioriteringa mellom anlegga vert grunngeve med at det er behov for å følgje opp vedtaket frå førre anleggsplan (2015-2018). Utviklinga av desse nye prosjekta har teke lenger tid enn først tenkt fordi arbeidet med ny reguleringsplan på Heggmyrane har drege ut i tid, med fleire klagerundar og revisjonar av reguleringsplanen. Klage frå grunneigarane vart ikkje tekne til følgje etter klagehandsaming hos Fylkesmannen i juni 2018, og det betyr at den nye reguleringsplanen no er endeleg, og arbeidet med prosjekta kan halde fram.

Det er vidare stort behov for å utvikle anlegga for vinteridrett. Avtalen på hoppanlegget i Kvam går ut i 2019, så det hastar med å få etablert nye anlegg dersom aktiviteten skal vidareførast. I tillegg må prioriteringa sjåast i samanheng med at idretten i Luster kommune og det politiske nivået i kommunen går saman om å utbetre anlegga på Sogn Skisenter og at denne utviklinga skjer no.

Vi ser også at det er stort behov for å legge til rette for at grasbana i Moane kan nyttast lenger utover hausten. Då er det heilt naudsynt å få på plass lysanlegg, og dette bør prioriterast då det er eit anlegg som er realistisk å få på plass så snart som mogleg i løpet av den komande planperioden.

Prosess i Hafslo IL

Proessen med å utarbeida ny anleggsplan for Hafslo IL har vore leia av Ove Oklevik. Arbeidet med å revidera planen starta opp i mars 2018, ved at styret i Hafslo IL sette ned ei arbeidsgruppe for å arbeide med revisjonen. Arbeidsgruppa har bestått av Kai Inge Cirotzki, Ove Midtbø og Ove Oklevik. Arbeidsgruppa hadde eit innleiande møte i mars 2018, og utover dette hatt epost og telefonkontakt. Førstebels utkast til plan vart diskutert i hovudstyret den 12.juni 2018. Etter innspel frå styret i Hafslo IL, vart førsteutkast til revidert anleggsplan sendt på høyring til gruppeleiarane 24.08.2018. Det har vore opp til gruppene sjølve korleis dei har handtert høyringa, ved drøfting i gruppestyret, eller ved involvering av fleire i særgruppene om dette. Planen har vore drøfta på utvida styremøte med gruppeleiarane i oktober og desember. Endeleg frist for innspel var sett til 06.01.2019.

A. OVERSIKT HAFSLO IL SINE EIGNE ANLEGG

ANLEGGSNR	ANLEGG	STATUS	PLANER / MULIGHETER / VIRKSOMHET / OPPFØLGING	ANSVAR	BYGGET / RESTAURERT
21384 (K45/56) 21382 (K20)	KVAMSBAKKEN	BAKKANE ER UNDER UTFASING FRAM TIL 2020,	KUN EVENTUELLE AKUTTE UTBEFRINGAR AV HEISEN ER AKTUELL. DELER AV ANLEGGET ER I FERD MED Å BLI DEMONTERT.	HOPPGRUPPA	1972 1979
41484	FRIIDRETTSANLEGG	I BRUKBAR STAND	LØPEBANENE, LENGDEGROP OG KASTSONER TRENG Å VEDLIKEHALDAST. DENNE OPPGÅVA HAR VORE UTFØRT PÅ DUGNAD VED LUKING OG PÅFYLLING SAND. ER BEHOV FOR STØRRE VEDLIKEHALD I ÅRA SOM KJEM, FOR Å HALDE ANLEGGET I BRUKBAR STAND	STADIONSTYRET	1982
58889	FOTBALLBANE-7'AR - HAFSLO BU-SKULE	I GOD STAND	KREV KONTINUERLEG ETTERSYN OG VEDLIKEHALD	STADIONSTYRET	2013

41482 41487	FOTBALLBANE-GRAS – HAFSLO STADION MOANE TRENINGSSENER	I GOD STAND	KREV KONTINUERLEG ETTERSYN OG VEDLIKEHALD	STADIONSTYRET	1974 1988
?	PUMPEHUS	I BRUKBAR STAND.	VEDLIKEHALD MATERIAL 5000 KR, + BETALING DUGNAD	STADIONSTYRET	
?	TRIBUNEANLEGG	I BRUKBAR STAND.	UTBETRING AV RÅTSKADAR, MATERIALBEHOV CA 10 000 KR.+ BETALING DUGNAD	STADIONSTYRET	
41483	FOTBALLBANE-GRUS HAFSLO STADION	I GOD STAND.	PÅFYLL GRUS, CA 10 000, FJERNING GRAS PÅ DUGNAD.	STADIONSTYRET	1974
41485	KLUBBHUS – HAFSLO STADION	I GOD STAND	KJØKKEN KANSKIFTAST, KOSTNAD CA 50 000. UTBETRE INNGANSPARTI, RAMPAR, TRAPPER, RÅTSKADER, CA 5000. DUGNADSBELØNNING I TILLEGG	STADIONSTYRET	1984
37044	ORIENTERINGSKART OKLEVIKMARKA	I GOD STAND		ORIENTERINGSGRUPPA	LAGA I 1985 FORNYA I 2009 OPPGRADERT 2013
58883	ORIENTERINGSKART MOLLANDSMARKA	I GOD STAND		ORIENTERINGSGRUPPA	LAGA I 2014
?	ORIENTERINGSKART MOANE	I GOD STAND		ORIENTERINGSGRUPPA	LAGA I 1985 FORNYA I 2009 OPPGRADERT 2013
58884	ORIENTERINGSKART GAUPNE	I GOD STAND		ORIENTERINGSGRUPPA	LAGA I 2011 OPPGRADERT 2018
?	SKULEKART HAFSLO SKULE	I GOD STAND.		ORIENTERINGSGRUPPA	LAGA I 2013 OPPGRADERT 2018
?	KIOSK	I GOD STAND.	ANLEGGET VART FERDIG FORNYA I 2012	STADIONSTYRET	2012
57991	SANDVOLLEYBALLBANE – HAFSLO BU-SKULE	I GOD STAND	NYTT NETT BESTILT OG MÅ SKIFTAST. BEHOV FOR ÅRLEG SNUING AV SAND.	STADIONSTYRET	2006
41486	MOANE TRIMLØYPE – HAFSLO STADION	I BRUKBAR STAND		?	1991

OVERSIKT OVER HAFSLO IL SINE LANGTIDSLEIGDE ANLEGG

ANLEGGSNR.	ANLEGG	STATUS	PLANER / MULIGHETER / VIRKSOMHET / OPPFØLGING	ANSVAR	BYGGET / RESTAURERT
?	DEL AV SERVICEBYGG PÅ HEGGMYRANE	I GOD STAND		SKIGRUPPENE	2009/2010

B. PLANLAGDE ANLEGG

Denne delen av anleggsplanen inneheld dei nye anlegga Hafslo idrettslag har under planlegging per januar 2019. Desse er avgrensa til anlegg Hafslo IL har eigarskap til, deleigarskap til eller eigarinteresser i. I planen ligg det inne ei prioritering mellom anlegga.

Grunngjeving for prioritering mellom anlegga:

I planperioden 2010-2014 vart sommaridrettane fotball og orientering prioritert. Begge desse idrettane har i løpet av planperioden 2010-2014 fått realisert sine ønskje i form av 7'ar bane kunstgras og eit orienteringskart. Det vart derfor tilrådd at det i planperiode 2015-2018 vart ein prioritering av vinteridrettane. Det vart i løpet av hausten 2014 sett i gang eit større planarbeid på Sogn Skisenter med tanke på å betre anlegga for både langrenn, hopp og alpint. Denne satsinga løyser heilt avgjerande behov for vinteridrettane. Hoppanlegget i Kvam skal fasast ut i 2019, og utan nye hoppbakkar på Heggmyrane vil det vera vanskeleg for Hafslo IL å kunne halde fram med hopp som aktivitet. Langrenn treng løyper som er tilpassa dagens standard og der noko av traseen er asfaltert. Asfalttrasê vil forlenge sesongen betydeleg og også danne grunnlag for aktivitet på sommarstid. Sogn Skisenter fullførte forprosjektet for anleggsutviklinga oktober 2014. Frå 2015 og fram til 2018 har arbeidet med ny reguleringsplan vore hovudfokus ved skisenteret. Hafslo IL vil derfor i denne planen fremja eit ønskje om at dei nye anlegga for vinteridrettane ved Sogn Skisenter vert høgt prioritert når kommunedelplan for idrett og fysisk aktivitet skal reviderast. For detaljar knytt til satsinga ved Sogn Skisenter, vert det vist til dei planlagde prosjekta for hoppanlegget (K10 + K19), samt langrennsanlegg med asfalt og snøproduksjon som ligg

inne i gjeldande kommunedelplan for idrett og fysisk aktivitet. Hafslø IL ønskjer at desse anlegga framleis skal ha høg prioritet også i neste planperiode.

Sogn Skisenter har arbeidd for å realisera bygging av hoppbakkane K10+K19 i denne planperioden, men må venta til ein har avtale med grunneigar på plass. Langrennsanlegget (grunnarbeid, asfaltering, snøproduksjon og lys) vil krevje mykje av kapasiteten ved skisenteret i den komande planperiode og vidare utbygging av hoppanlegget utover nærmiljøanlegget vil konkurrera om både kapasitet og prioritering av andre anlegg under planlegging på skisenteret. For raskast mogleg realisering av liten hoppbakke (K40-45) må truleg idrettslaget stå som byggherre i samarbeid med Sogn skisenter. Mellomstor bakke for gut- og jentehopparar (K65-70) er det ikkje avsett tilstrekkeleg areal for i gjeldande reguleringsplan, men avsett areal for skianlegg med mindre utviding på LNF-område gjev også plass til ein mellomstorbakke (K65-70). Først når K45 og K65-70 bakane er på plass, vert noverande hoppanlegg i Kvam erstatta og Sogn skisenter kan få status som regionanlegg for nordiske greiner i samsvar med Sogn og Fjordande sin anleggsplan.

Ut i frå samla ressursbruk, uavklarte forhold kring det å stå som anleggseigar og uavklarte forhold kring tilgang til naudsynt areal, gjer at Hafslø IL ikkje går inn for ei høg prioritering av å få realisert hoppbakkar på K45 og K65-70 i løpet av den neste planperioden.

Når det gjeld utvikling av fotballanlegget i Moane, er det gjennom utgreiingsarbeidet konkludert med at den mest hensiktsmessige investeringa vil vera eit lysanlegg på grasbana i Moane, som kan realiserast innanfor spelemiddelordninga. Styret i Hafslø IL rår derfor til at lysanlegg vert prioritert høgt i neste planperiode (2019-2022).

Som del av saksutgreiinga i samband med revidering av anleggsplanen, er det gjort ei utgreiing av dei ulike anlegga som Hafslø IL har behov for:

- 1. Utvikling av anlegg for vinteridrett ved Sogn Skisenter.** Det er to anlegg som det er særleg ønskje om vert prioritert gjennom Sogn Skisenter AS. Dette er ny rulleskiløype (stadion og rulleskiløype, med grunnarbeid, asfalt, snøproduksjonsanlegg og lyssetjing), og nytt hoppanlegg (nærmiljøanlegg K10+K19). Årsmøtet i Hafslø IL har tidlegare gjennom eige vedtak vedteke å løyve 300 000 kr til langrennsanlegget og 200 000 kr til hoppanlegget under føresetnad av at IL Bjørn også bidreg og at prosjektet løyser spelemidlar. Frå 2015 og fram til 2018 har arbeidet med ny reguleringsplan vore hovudfokus ved skisenteret. Reguleringsplanen er no vedteken, og ein er i posisjon til å gå vidare med å få realisert desse anlegga. For detaljar knytt til satsinga ved Sogn Skisenter, vert det vist til dei planlagde prosjekta for hoppanlegget (K10 + K19), samt langrennsanlegg med asfalt og snøproduksjon som ligg inne i gjeldande kommunedelplan for idrett og fysisk aktivitet. Hafslø IL ønskjer at desse anlegga framleis skal ha høg prioritet også i neste planperiode.
- 2. Hoppbakkar K45 og K65-70 på Heggmyrane.** Først når desse bakkane vert realisert, vil noverande hoppanlegg i Kvam verte fullt ut erstatta og Sogn Skisenter kan få status som regionanlegg for nordiske greiner. Vidare utbygging av hoppanlegget utover nærmiljøanlegget, vil konkurrera om både kapasitet og prioritering av andre anlegg som er under planlegging på skisenteret. For å realisere liten hoppbakke (K40-45), må truleg idrettslaget stå som byggherre i samarbeid med Sogn Skisenter. Eit K45 anlegg i hopp vil ha ei kostnadsramme på rundt 3 millionar kr + mva. Mellomstor hoppbakke for gute- og jentehopparar (K65-70), er det heller ikkje avsett tilstrekkeleg areal for i gjeldande reguleringsplan. For å få tilgang til tilstrekkeleg areal for mellomstor hoppbakke (K65-70) er det behov for mindre utviding på LNF-område gjennom reguleringsendring. Ut i frå samla ressursbruk, uavklarte forhold kring det å stå som anleggseigar og uavklarte forhold kring tilgang til naudsynt areal, gjer at Hafslø IL ikkje går inn for ei høg prioritering av å få realisert hoppbakkar på K45 og K65-70 i løpet av den neste planperioden.
- 3. Forenkla kunstgrasanlegg på grusbana.** Dette inneber å legge matte på grusen, med ei brukt kunstgrasmatte oppå. For å realisere dette må eksisterande lysanlegg på eine langsida flyttast nokre meter sørover og grusbana utvidast tilsvarande. Dette vil krevje

omregulering frå landbruksføremaal til idrettsføremaal, dvs ny reguleringsplan med ny grunneigaravtale. I tillegg ligg eit sånt prosjekt utanfor spelemiddelordninga. Dette betyr at Hafslo IL vil måtte betale heile investeringa sjølv. Ikkje noko framtidig vedlikehald vil kunne vera kvalifisert for tilskot. Vidare vil ein også måtte omregulere, og opparbeide nytt areal til parkeringsføremaal. Styret i Hafslo IL frårår derfor at ein går vidare på eit sånt prosjekt, då det vil krevja 100 % eigenfinansiering til både utbygging og drift, til opparbeiding av nytt parkeringsareal, og til reguleringsplanarbeidet.

4. **Kunstgras på 11'ar bana i Moane.** Dette vil krevje at løpebanene vert avvikla fordi bana må utvidast i breidda. Kostnadsramma vil truleg ligge på rundt 10 mill + mva. I saksutgreiinga bak den kommunale løyvinga til kunstgrasbana i Gaupne, er det understreka at den nye kunstgrasbana i Gaupne skal dekke fotballen sitt behov for kunstgrasbaner i *heile kommunen*. Dette er også hovudargumentet frå idrettsrådet for kvifor dette anlegget skulle prioriterast med kommunale løyvingar og spelemiddlar. Å få politisk aksept for nye store kunstgrasanlegg i Luster kommune kan derfor bli ein utfordring. Styret i Hafslo IL rår til at ein får inn dette anlegget i anleggsplanen då det er behov for eit slikt anlegg, men at ein ikkje prioriterer realisering av dette anlegget i neste planperiode. Så kan behov og moglegheiter utgreiast fortløpande i løpet av neste planperiode.
5. **Lysanlegg Hafslo stadion.** Eit lysanlegg på Hafslo stadion, vil utvide bruksmoglegheitane for grasbana tidleg om våren og om hausten. Det har vore ei utfordring å få arrangert seriekampar 9ar og 11ar dei siste to månadane om hausten på grunn av manglande lys. Lysanlegg kan realiserast innanfor spelemiddelordninga. Det er innhenta eit kostnadsoverslag for lysanlegg på Hafslo stadion frå Luster Energiverk, og estimerte kostnader er på om lag 1,3 millionar. Styret rår til at det vert sendt inn spelemiddelsøknad for lysanlegg på Hafslo stadion våren 2019 og at dette vert høgt prioritert i komande planperiode.
6. **Fleirbrukshall Hafslo.** Det er frå fotballgruppa si side ytra ynskje om at Hafslo IL skal arbeide for å realisere ein fleirbrukshall på Hafslo. Eit anlegg som dette vil kunne realiserast innanfor ei kostnadsramme på 16-18 mill. kr, dersom ein har tilgjengeleg areal.

Grunnarbeid kjem i tillegg. Fleirbrukshallar bør vidare etablerast i nærleiken av skular. Då dette er eit forholdsvis stort prosjekt, rår styret i Hafslø IL til at ein prøver å realisere eit slikt anlegg gjennom politisk arbeid. Prosjektet er for stort til at Hafslø IL kan vera anleggseigar åleine.

- 7. Friidrettsanlegg Hafslø stadion.** Det er behov for større vedlikehald av løpebana, lengdegropa og kastegropa på friidrettsanlegget. Vi har vurdert om det er grunnlag for ei rehabilitering av anlegget innanfor spelemiddelordninga. Slik status er i dag, vurderer vi at det ikkje grunnlag for ei rehabilitering, men at anlegget kan haldast i brukbar stand gjennom ein større vedlikehaldsinnsats. Det bør derfor prioriterast å gjennomføre vedlikehald i form av utskifting av grus på løpebana, lengdegropa og kastegropa i løpet av dei neste par åra.

På grunnlag av innspel, utgreiingar og diskusjonar med særgruppene, ønskjer styret i Hafslø IL å tilrå følgjande prioritering av nye anlegg for planperioden 2019-2022, der målet er å få realisert anlegga som er prioritert som nr. 1 og 2 i den komande planperioden:

Priorite ring	ANLEGG	PLANER / MULIGHETER / VIRKSOMHET / OPPFØLGING	Plan status	ANSVAR
1	UTVIKLING ANLEGG FOR VINTERIDRETT SOGN SKISENTER (STADION, RULLESKILØYPE OG HOPP K10 + K19)	FORPROSJEKTET FERDIGT. 2 PROSJEKT ER PRIORITERT ØKONOMISK I GJELDANDE KOMMUNEDPLAN (2015-2018), RULLESKILØYPE OG NÆRMILJØANLEGG FOR HOPP (K10 OG K19). PROSJEKTA MÅ AVVENTE NY REGULERINGSPLAN FØR ARBEIDET KAN STARTAST OPP. HAFSLO IL YNSKJER DETTE PROSJEKTET SKAL BLI HØGT PRIORITERT I NY KOMMUNEDPLAN FOR IDRETT OG FYSISK AKTIVITET	FORPROSJEKT ER FERDIGT B: AVKLART O: AVKLART BU: AVKLART? F: AVKLART? A: UAVKLART U;AVKLART? M:AVKLART? AN: UNDER PLANLEGGING D: UAVKLART	SOGN SKISENTER ER ANLEGGSEIGAR HAFSLO IL OG IL BJØRN ER BIDRAGSYTAR

2	LYSANLEGG GRASBANA - HAFSLO STADIONI MOANE	PROSJEKTET KAN REALISERAST INNANFOR SPELEMIDDELORDNINGA. PROSJEKTET KAN REALISERAST I KOMANDE PLANPERIODE (2019-2022). TRENG ÅRSMØTEVEDTAK OM FINANSIERING.	B: AVKLART O: AVKLART BU: UAVKLART F: UAVKLART A:AVKLART U;AVKLART M:AVKLART AN: UNDER PLANLEGGING D: UAVKLART	FOTBALLGRUPPA OG STADIONSTYRET
3	HOPPANLEGG K45 SOGN SKISENTER	SOGN SKISENTER KJEM TRULEG IKKJE TIL Å HA KAPASITET TIL Å KUNNE REALISERE ANNA ENN NÆRMILJØANLEGGET FOR HOPP (K10 OG K19) OG RULLESKILØYPA I KOMANDE PLANPERIODE. DERSOM SOGN SKISENTER IKKJE HAR KAPASITET TIL STÅ SOM SNARLEG UTBYGGAR AV K45-BAKKEN, KAN HAFSLO IDRETTLAG VERA BYGGHERRE ETTER AVTALE MED SOGN SKISENTER SOM BLIR ANLEGGSEIGAR. SPONSORARAR MÅ VERA VIKTIGE BIDRAGSYTARAR	B: AVKLART O: AVKLART BU: UAVKLART F: UAVKLART A:UAVKLART U;AVKLART M:AVKLART AN: UNDER PLANLEGGING D: UAVKLART	HOPPGRUPPA/AVTALE MED SOGN SKISENTER SOM ANLEGGSEIGAR.
4	KUNSTGRAS 11`AR BANE MOANE	ER BEHOV FOR SLIKT ANLEGG, MEN MÅ UTGREIAST NÆRARE FØR DET KAN REALISERAST.	B: AVKLART O: AVKLART BU: UAVKLART F: UAVKLART A:UAVKLART U;UAVKLART M:UAVKLART AN: UAVKLART D: UAVKLART	FOTBALLGRUPPA OG STADIONSTYRET
5	FLEIRBRUKSHALL HAFSLO	DET ER BEHOV FOR EIN SLIK FLEIRBRUKSHALL PÅ HAFSLO GRUNNA STOR AUKE I FOLKETAL OG BORN SIDAN NOVERANDE SAMFUNNSBYGG VART REALISERT. IDRETTLAGET TRENG TRENINGSAREAL PÅ VINTERSTID. DÅ DETTE ER EIT FORHOLDSVIS STORT PROSJEKT, RÅR STYRET I HAFSLO IL TIL AT EIN PRØVER Å REALISERE EIT SLIKT ANLEGG GJENNOM DIALOG MED KOMMUNEN OG GJENNOM POLITISK ARBEID. PROSJEKTET ER FOR STORT TIL AT HAFSLO IL KAN VERA ANLEGGSEIGAR Å LEINE. ØNSKJER LIKEVEL Å FÅ ANLEGGET INN I PLANEN, SLIK AT EIN KAN ARBEIDE VIDARE MED PLANANE I KOMANDE PLANPERIODE.	B: AVKLART O:UAVKLART BU:UAVKLART F: UAVKLART A:UAVKLART U:UAVKLART M:UAVKLART AN:UAVKLART D:UAVKLART	HOVUDSTYRET, FOTBALLGRUPPA OG STADIONSTYRET

6	HOPPANLEGG K70 SOGN SKISENTER	<p>FULLVERDIG ERSTATNING (FLYTTING) AV HOPPANLEGGET I KVAM ER IKKJE FULLFØRT FØR DET ER KOMEN EIN BAKKE MED K60-70 METER PÅ HEGGMYRANE. DET ER IKKJE ANDRE ANLEGG MED DENNE STORLEIK</p> <p>I SOGN OG SOGN OG FJORDANE SKIKRINS SIN ANLEGGSPPLAN HAR DEN SOM FØRSTE PRIORITET SOM REGIONANLEGG. REALISERING AV DENNE BAKKEN ER AVGJERANDE FOR AT SOGN SKISENTER KAN BLI REGIONANLEGG FOR NODRISKE GREINER. DERSOM SOGN SKISENTER IKKJE HAR KAPASITET TIL STÅ SOM SNARLEG UTBYGGAR AV TIL K60-70, KAN HAFSLO IDRETTSKLAG VERA BYGGHERRE ETTER AVTALE MED SOGN SKISENTER SOM BLIR ANLEGGSEIGAR. SPONSORARAR MÅ VERA VIKTIGE BIDRAGSYTARAR.</p>	<p>B: AVKLART O: AVKLART BU: UAVKLART F: UAVKLART A: UAVKLART U: AVKLART M: AVKLART AN: UNDER PLANLEGGING D: UAVKLART</p>	HOPPGRUPPA/ AVTALE MED SOGN SKISENTER SOM ANLEGGSEIGAR
----------	-------------------------------	--	---	--

UP: Upprioritert 2019-2022 B: Behov. O: Omfang. BU: Budsjett. F: Finansiering. A: Areal. U: Universell utforming. M: Miljøtilpasning. AN: Anleggsperiode og organisering av arbeidet. D: Driftsplan.

Endringar i anleggsplanen etter årsmøtet 07.02.2019, jf. Sak 11 B i Årsmøteprotokoll 2018:

I styret sitt framlegg til vedtak av anleggsplan 2019-2022, var utvikling av anlegg for vinteridrett for Sogn Skisenter (stadion, rulleskiløype og hopp K10 + K19) prioritert som nr. 1. Lysanlegg på grasbana i Moane var prioritert som nr.2. Dei andre anlegga var lagt inn utan prioritering (UP) i framlegget til årsmøtet. Etter diskusjonar og avstemmingar på årsmøtet 07.02.2019, vart det vedteke følgjande prioriteringar av dei andre anlegga i anleggsplanen:

Endeleg resultat og vedtak etter avstemmingar på årsmøtet:

Prioritet nr. 3: Hopp K45

Prioritet nr. 4: Kunstgrasbane 11ar

Prioritet nr. 5: Fleirbrukshall

Prioritet nr. 6: Hopp K70

Styret i Hafslo IL tilrår at årsmøtet vedtek Anleggsplan 2019-2022 som vart publisert på heimesida 31.01.2019, med dei prioriteringane som går fram av planen, med endring av UP 3-6 etter avstemmingane.

Årsmøtet: Godkjende styret sitt framlegg til vedtak med endringane/prioriteringane som vart stemt over på årsmøtet.

Endringane etter årsmøtet 2018 er lagt inn i anleggsplanen, og dannar grunnlag for innspel til kommunal plan for fysisk aktivitet, idrett og friluftsliv i Luster kommune innan 01.05.2019

Oppdatert 21.04.2019 av leiar Ove Midtbø